

¿Jaoca icantari anquilostoma ariorica
amenacoteri microscopioqui?

Ariorica amenacoteri microscopioqui antearo-
tasanotanaque iitsoqui, yoca mantsiari imantsiiri
shitsatatsirica. Acantashitavaquea irootaque
yamenitaqueriri itia David.

Intanaquearo aneeri
aca dibujoqui iitsoqui
yoca shitsatatsiri anqui-
lostoma yamenacoyetiri
microscopioqui.

Impoiiji aneeri jaoca ican-
tari yoca iitsoqui shitsa-
tatsirica aririca ita-
sacotanaque.

Aneeri aisati jaoca
icantari yoca shitsata-
tsiri ariorica itasacota-
naque iitsoquiqui.

Piquenqueshireaperotero meeca teeya iconi-
janeteji yoca shitsatatsirica aririca ameneri
aquiqui. Irointi iconijatantari microscopio
iquempetaca aneaqueri aca.

¿Jaoca icantanaqueari inquietanaqueari avatsa-
qui yoca shitsatatsirica?

Yoca shitsatatsirica anquilostoma ari ocanta-
quea iquiente avatsaqui eiro inaveta apatsaitsi.
Tecatsi pomerentsitimotearine, te iquemavaqueri-
ji David jaoca icantari iqueantapaacari yoca
shitsatatsiri. Iro cantaincha oshequi icajeniti
ovaquerani iqueapaaque.

Aisati oquempeta meeca, ariorica iqueapaaque
avatsaqui ari apatsaque, tempa timatsi pashini
microbio itsipayetari patsaacantatsiri. Iro
avishimotaquerori chapinqui ijina David. Ocaje-
niquiitanaque oitiqui, eeretanaque oquitionca-
tanaque catsirincajencani. Impoi ji yayeetana-
quero isaiqui promotor de salud iraavintavaquero,
te irioteji paíta antaquerori. Iriitaque aaque-
rori shitsatatsiri anquilostoma.

¿Paita avishimoteene ariorica isaicaque anquilos-
toma asheitoqui?

Aririca isaicaque anquilostoma asheitoqui
intantanaquearo aquemavaquero:

- Osataaneentanaque.

- Aquiteshivaatanaque aitiqi, ashetaqi,
acoqi, atseraqi, aquiqi maaroni avatsaqui.
Icantayetiri pashini ashaninca "amaotanaque".

Irootaque aquiterivetantanaqueari tempa
itsaataquero anquilostoma iraja. Mantsiatanaque
meeca tempa te aneavajeroji irajani avatsaqui.

Intanacaro David meeca
iquiteritanaque capichaji
ariorica osamanitanaque
maperotanaca meeca ique-
mavaquero:

-Oshoncacotanaqueri.

-Ishipetaporoquitanaque
ivatsaqui.

-Imaotanaque.

-Itapianaca itsomontequi
yoncayetanaca iitiqui,
ivoroqui, maperotanaca
quiteshivaquini catsini.

¿Jaoca icanteari meeca jananequi ariorica itimantaqueari anquilostoma?

Pashini icantacaashitari jananequi aririca itime ishitsane. Iquempetaca aparoni itomi David quiteshivajaniquitaque, iquemiro oshoncacoveetiri, te ishintsitaje oshequi imaotaque, impoiiji intanaquea:

-Itapiaca itsomontequi.

(Itsomontetanaque)

-Yooncanaca ivoroqui.

(Yooncasovenataca)

-"Ineamatashiyetaca"

yoanacaro quipatsi,

samampopane, tsimen-

quito aisati java

yoashiyetanaca paita-

peerica.

Iro cantaincha David yamantavetaca aavintarontsi pajitachari padrax irashi ashitsane, te iravisacoteji itomi. ¡Yashinoncaaca David! Te irioteji, oca padrax yamanantavetacari, te ovamayeriji yoca shitsatatsiri pajitachari anquilostoma. Aririca acoye avamayeri yoca shitsaca anquilostoma otimatiye irashiteri aavintarontsi pajitachari Tiabendazole o Mentezol.

Tempa aitaque iotanaquero David jaoca yove-
tsiqueetiri shitamentotsi, iquenqueshireanaca
meeca jaoca icanterori iquiyero quipatsi. Tempa
iotaque aisati ariorica iquiantearo quimentotsi
te opomerentsiteji aquiyeveete. Jataque meeca
iramaneri ishaninca iiyamento iquiaperotaquero
intsompoina. Tempa yovashitaquero inchaqui
iquiaperotantearori intsompoina quipatsi.
Ocarati otsantsati meeca omoro yovetsicaquero 1
metro, 50 centímetros. Tempa David iotanaquero
meeca ariorica ineaquero iyoye nija intsompoin-
ta quipatsiqui. Otimatiye iroashiantero ira-
menaje pashini jaoca irovetsiqueri. Eirorica
ineitsi nija aikuero ijatacaatiyero iquiyero
30 centímetros iroosati yovashiyantantearo.

Eiro antearoperotitsi
omoro oca omoroca (30 cen-
tímetros). Ijate iroyero
inchacotaqui, cameetsaquea
icatiye eiro iqueacantatsi
anquilostoma iitiqui te-
catsi iquene, aisati ipishi-
tero eiro ocajarashitanta.